

## Ensenhador

**paginas 2 a 4:** Lo Mot del president

**paginas 5 a 13:** De destacar : En tornant de Juèsa

**pagina 14:** La seguida a la Val d'Aran lo 4 de julhet

**paginas 15-16:** Inauguracion dau Centre Rupèstre de Cultura Occitana Pèire Pessamessa

**pagina 17:** Crida a projècta Maurici Andrieu

**paginas 18 a 23 :** E per l'estiu :

Rescòntres Occitans de Provença,

Cinquantena Universitat Occitana d'Estiu de Nimes,

Universitat Occitana d'Estiu a La Guépia,

Escòla Occitana d'Estiu a Vilanuèva d'Òut



---

*Ressons de l'IEO e d'endacòm mai es publicat sota la responsabilitat del burèu federal de l'IEO*  
Contacte: [secretariat@ieo-oc.org](mailto:secretariat@ieo-oc.org)

### INSTITUT D'ESTUDIS OCCITANS

Sèti social: 11 carrièra Malcosinat - rue Malcosinat - 31000 TOLOSA - TOULOUSE  
Adreça postala: IEO-IDEKO - 1 rue des Anciens Combattants - ZA Plaine Saint-Martin  
81700 PUÈGLAURENÇ - PUYLAURENS  
[www.ieo-oc.org](http://www.ieo-oc.org)

## Lo mot del president

Lo mes de mai foguèt lo de l'Amassada generala de l'IEO, moment important per la vida de nòstra associacion, per mai d'una rason. Primièr, coma cada an respond a las obligacions estatutàrias, seriá pas que per presentar l'activitat e los comptes, e discutir las grandas orientacions generalas per l'an d'après. Mas, ongan, i aviá d'autres rasons que ne fasián un moment tras qu'important, tanplan crucial. D'una part, caliá mostrar que l'IEO èra sus la via d'un reviscòl e d'una afirmacion e que lo projècte portat per lo burèu elegit lo 27 de mai de 2025 aviá qualques resultats. Dins la meteissa perspectiva, coma o escriguèri e diguèri mantun còp, caliá tornar far de l'AG de l'IEO -o, puslèu, de las jornadas d'AG de l'IEO- un moment important de l'annada. E, d'autra part, i aviá lo doble enjòc ligat al sosten o, al contrari, a la rebutada que los aderents aurián exprimit, d'un costat, a l'accion menada dempuèi l'an passat (rapòrts moral, d'activitat e financièr) e, d'un autre latz, a la proposicion portada per lo burèu e validada per lo Conselh d'Administracion, de la tarifa e de la reparticion de la cotizacion entre los diferents elements, o escalons, de la Federacion IEO.

Me cal dire, tanlèu començar, que foguèrem fòrça ben recebuts per la seccion d'Ardecha de l'IEO e lo cercle de Juèsa, l'Agaram, amb lo sosten de la Comuna (que daissèt la magnifica sala comunala tres jorns de reng, organizèt una inauguracion oficiala e un manjadreit) e tanben de la vesina de Rosèiras que prestèt, doas seradas, la sala de las fèstas per los espectacles. En mai d'aquò, foguèrem servits per un fòrça polit temps. Ren que per aquò valiá lo còp d'i èsser e pensi que los participants se'n regaudiguèron.

Mas, a tot aquò, s'ajustèron moments fòrts: presentacion de las associacions occitanistas "locales", conferéncia de Felip Martèl sus l'istòria de l'IEO, mercat/fièra/fòrum del libre occitan amb participacion d'un desenat de seccions e editors. Aquel fòrum, dins la sala d'acuèlh, venguèt lèu un eissam ont tot lo monde se rescontrava e charrava, e se convertiguèt en agòra de l'IEO en Juèsa! Me pensi que lo monde avián besonh d'aquel lòc, d'aquela AG e d'aquel moment d'escambis e interconeissença. N'èran tanben los manjadreits e, dins una mendre mesura, los repaisses al restaurant. Al darrièr sopar, la cantaira aranesa Lúcia Mas nos faguèt present d'un petit concèrt improvisat que donèt una fòrta convivialitat e foguèt fòrça presat. Aquel ambient general es de destacar e aqueles mots ne pòdon pas rendre grand causa de l'intensitat. D'un autre biais, nòstre secretari general se'n fa resson dins las paginas que seguisson amb unas polidas fotografias.

E, segur, l'escambi del dimenge matin 10 de mai, amb Franc Bronzat e Rosella Pellerino, de las Valadas, Jusèp Loís Sans Socasau, de la Val d'Aran e Domenico Iacovo, de

# RESSONS DE L'IEO E D'ENDACÒM MAI

Cap redactor Daidièr Mir - n° 10 - JUNH DE 2026

---

la Gàrdia, donèt a l'AG una dimension gaireben inesperada. Coma ja o diguèri, una representacion de l'IEO en Aran se farà a través l'Acadèmia aranesa dera lengua occitana; los representants de las Valadas, per lor part, demandèron la creacion d'una seccion de l'IEO.

Per tornar a la part de las jornadas de Juèsa qu'èran especificament reservadas als sòcis de l'IEO, s'i presentèron los rapòrts, las perspectives e, un moment tant esperat e delicat, foguèt consacrat a la discutida sus la cotizacion e sa reparticion. Los rapòrts moral e d'activitat foguèron aprovats a la quasi unanimitat de 99,57 % (abstencion: 0,43 %) dels presents e representats e lo rapòrt financièr s'aprovèt a 94 % (abstencion: 6 %).

La question de la cotizacion menèt a mai de debats e d'escambis que mostrèron l'interès de totes los assistents per lo foncionament de l'IEO tot. Coma o exprimiguèri, per ieu, èra un pauc "l'espròva del fòc". Fin finala, la proposicion portada per lo burèu, que i aviá longament trabalhat, que totes los aderents recebèron bèl brieu abans l'AG e que voliá prene en compte los interèsses generals, foguèt aprovada per 77,59 % dels vòts (abstencion: 22,41 %), siá, malgrat tot, un sosten tanben fòrt que ne permet l'aplicacion per l'annada 2027. Pòdi plànher, aquò dit, que la question de la caissa de solidaritat, siá estada remandada a l'an que ven mentre que, a mon vejaire, fasiá plenament partida del projècte de solidaritat federala que portam. Que siá per los rapòrts o per la votacion sus la cotizacion, me permeti de far remarcar que i aguèt pas cap de vòt contra. Aquò nos dona coratge e vam per contunhar, e mai sapièssèm ben totes las dificultats que son sus lo camin de la promocion de nòstra lenga... Mas, per çò qu'es de l'IEO, benlèu qu'una entrelusida es a mand d'aparéisser, qui sap?

Pòdi pas, aici, parlar de tot aquò sens mercejar al mai fòrt l'ensemble del burèu que m'acompanha dempuèi lo 27 de mai de 2025. Venguts d'horizonts diferents, caduna e cadun, secretari general, vicepresident·a·s, clavairas, a jogat un grand ròtle e cresi que sèm arribats a una coesion e una coeréncia que l'AG de Juèsa donèt a veire. Ren èra pas escrit quand demandèri als unes e a las autras se volián entrar dins lo burèu. Èra una escomesa granda mas o caliá temptar. Totes o faguèron de bon grat sens plànher la pena, lo temps, l'energia. Per ieu, es un gaug d'aver pogut comptar sus eles. Tanben, vòli mercejar los membres del CA. Cresi -almen o espèri- qu'entre nosautres totes se son establits una fisança e un respècte mutuals que, sens eles, ren seriá pas estat possible. E, solide, un brave mercé a totes los sòcis de l'IEO per lor sosten. Sabi que l'espèr es grand; sabi que lo poiriam decebre mas nos emplegarem, tant coma poscam, a trabalhar. E ja, avèm en cap, l'AG que se debanarà en 2027, qu'i caldrà elegir un nòu CA qu'aurà puèi per tasca de formar lo novèl burèu que permetrà a l'IEO d'afrontar totes las escomesas venidoiras.

Dins *Mémoires de l'occitanisme* que tot bèl just sòrton de las premsas de las edicions

---

*Ressons de l'IEO e d'endacòm mai es publicat sota la responsabilitat del burèu federal de l'IEO*  
Contacte: [secretariat@ieo-oc.org](mailto:secretariat@ieo-oc.org)

**INSTITUT D'ESTUDIS OCCITANS**

Sèti social: 11 carrièra Malcosinat - rue Malcousinat - 31000 TOLOSA - TOULOUSE  
Adreça postala: IEO-IDECO - 1 rue des Anciens Combattants - ZA Plaine Saint-Martin  
81700 PUÉGLAURENÇ - PUYLAURENS  
[www.ieo-oc.org](http://www.ieo-oc.org)

# RESSONS DE L'IEO E D'ENDACÒM MAI

Cap redactor Daidièr Mir - n° 10 - JUNH DE 2026

Trabucaire jos la direccion de Cristian Lagarda, nombroses militants de la "granda epòca" de l'occitanisme contan coma metèron la defensa de l'occitan al centre de lor vida o d'una partida de lor vida. Ara, es devèrs las generacions joves que, tròp sovent, an pas recebut l'occitan, que nos cal virar e es del nòstre interès a totes de trobar los mejans de far créisser, en quantitat e qualitat, lo nombre de locutors. Es tanben a una reflexion sus lo passat e l'avenir que nos convida la cinquantena Universitat Occitana d'Estiu a Nimes del 2 al 5 de julhet (<https://www.ieo30.org/universitat-occitana-d-estiu/>).

Mentretant, en Val d'Aran, l'IEO participarà a una trobada conjunta lo 4 de julhet amb l'Acadèmia aranesa dera lengua occitana a l'entorn de la normativizacion de la lenga amb d'expèrts de l'occitan mas tanben del catalan e de l'aragonés (<https://www.institutestudisaranesi.cat/wp-content/uploads/2026/04/JORNADA-ESTANDARD.pdf>).

N'aprofièiti tanben per senhalar que poguèrem presentar a l'AG de Juèsa lo primièr resultat concret de la colaboracion entre l'IEO e l'Acadèmia aranesa: un triptic divulgatiu sus Marcèla Delpastre degut a Miquèla Stenta. E, segur, cal pas desbrembar que julhet es lo temps de l'Estivada (<https://estivada.eu/>) e dels Rescòntres de Provença (<https://ieo-creo-provence.org/editions/>), abans l'Escòla Occitana d'Estiu, en agost (<https://eoe-oc.org/language/oc/activitats/eoe-oc/>). Que se'n pòsca gaudir, coma de totes las autras activitats estivenças, e que la lenga nòstra i reclantisca sens relambi que, sens la nòstra volontat de la parlar, capuda e generosa, obrariam de bada.

Patrici Pojada



*Ressons de l'IEO e d'endacòm mai es publicat sota la responsabilitat del burèu federal de l'IEO*  
Contacte: [secretariat@ieo-oc.org](mailto:secretariat@ieo-oc.org)

## INSTITUT D'ESTUDIS OCCITANS

Sèti social: 11 carrièra Malcosinat - rue Malcosinat - 31000 TOLOSA - TOULOUSE  
Adreça postal: IEO-IDECO - 1 rue des Anciens Combattants - ZA Plaine Saint-Martin  
81700 PUÈGLAURENÇ - PUYLAURENS  
[www.ieo-oc.org](http://www.ieo-oc.org)

## De destacar En tornant de Juèsam...



**Divendres 8 de mai, las associacions ardechesas an presentat la riquesa e la vivacitat de l'activitat locala per la cultura occitana.**

**48 ans de publicacion de la revista La Faraça, lo recalieu de la lenga dins las escòlas del parçan.**

**Bernard Salques nos assabentèt sus la diversitat dels parlars del Vivarès.**

**Lo cònsol de Rosières e conselhièr departamental, S. Matthieu Salel venguèt assistir a la dubertura de nostras jornadas d'amassada.**



© fòtos D. Mir

COLFE DE LYON

N° 1

# RESSONS DE L'IEO E D'ENDACÒM MAI

Cap redactor Daidièr Mir - n° 10 - JUNH DE 2026

---



© fòtos D. Mir

*L'istorian e professor emerit de l'universitat de Montpelhièr, Felip Martèl nos faguèt lo plaser d'una conferéncia d'una ora sus l'istòria de l'IEO. Un moment de tria per nòstra memòria collectiva. L'integralitat de la conferéncia es disponibla sus demanda al secretariat de l'IEO: [secretariat@ieo-oc.org](mailto:secretariat@ieo-oc.org)*



---

*Ressons de l'IEO e d'endacòm mai es publicat sota la responsabilitat del burèu federal de l'IEO*  
Contacte: [secretariat@ieo-oc.org](mailto:secretariat@ieo-oc.org)

## INSTITUT D'ESTUDIS OCCITANS

Sèti social: 11 carrièra Malcosinat - rue Malcosinat - 31000 TOLOSA - TOULOUSE  
Adreça postala: IEO-IDECO - 1 rue des Anciens Combattants - ZA Plaine Saint-Martin  
81700 PUÈGLAURENÇ - PUYLAURENS  
[www.ieo-oc.org](http://www.ieo-oc.org)

# RESSONS DE L'IEO E D'ENDACÒM MAI

Cap redactor Daidièr Mir - n° 10 - JUNH DE 2026

---



*Lo divendres de ser, lo grop Cabr'e Can nos prepausèt un balèti vertadierament popular dins lo vilatge vesin de Rosèiras*



*Lo dissabte de matin, Gerard Leinaud, de l'associacion L'Agaram, nos faguèt descobrir lo vilatge de Juèsa dins tota son occitanitat.*



© fòtos D. Mir

---

*Ressons de l'IEO e d'endacòm mai es publicat sota la responsabilitat del burèu federal de l'IEO*  
Contacte: [secretariat@ieo-oc.org](mailto:secretariat@ieo-oc.org)

**INSTITUT D'ESTUDIS OCCITANS**

Sèti social: 11 carrièra Malcosinat - rue Malcosinat - 31000 TOLOSA - TOULOUSE  
Adreça postalà: IEO-IDEKO - 1 rue des Anciens Combattants - ZA Plaine Saint-Martin  
81700 PUÉGLAURENÇ - PUYLAURENS  
[www.ieo-oc.org](http://www.ieo-oc.org)

# RESSONS DE L'IEO E D'ENDACÒM MAI

Cap redactor Daidièr Mir - n° 10 - JUNH DE 2026

---



© fòto D. Mir

*Venguèt lo temps de la conferéncia de premsa, al Castèl de Juèsa, ambe, d'esquèrra a dreita: Pierre Antoine Courouble president dels Amics del Castèl de Juèsa, Mickaël Neyrolles, president l'IEO Ardecha, Patrici Pojada president de l'IEO, Gerard Leinaud president de l'AGARAM, Josiana Marty Daunis vicepresidenta de l'IEO, Eliana Tourtet vice presidenta de l'IEO, seguit d'un mot de benvenguda del cònsol màger de la comuna, S. Philippe Gilles qu'ofriguèt lo manjedreit del dissabte.*



© fòto D. Trotman - Ph. Gilles, P. Pojada, D. Mir

---

*Ressons de l'IEO e d'endacòm mai es publicat sota la responsabilitat del burèu federal de l'IEO*  
Contacte: [secretariat@ieo-oc.org](mailto:secretariat@ieo-oc.org)

## **INSTITUT D'ESTUDIS OCCITANS**

Sèti social: 11 carrièra Malcosinat - rue Malcosinat - 31000 TOLOSA - TOULOUSE  
Adreça postal: IEO-IDECO - 1 rue des Anciens Combattants - ZA Plaine Saint-Martin  
81700 PUËGLAURENÇ - PUYLAURENS  
[www.ieo-oc.org](http://www.ieo-oc.org)

# RESSONS DE L'IEO E D'ENDACÒM MAI

Cap redactor Daidièr Mir - n° 10 - JUNH DE 2026



*Dissabte de ser, a Rosèiras, la companhiá Litud regalèt son public amb una lectura musicala de dos tèxtes istorico-poetics "A la sandat de las tetinas"*

© fòtos D. Mir



*E pendent tota la dimenjada, lo Forum del Libre occitan*

*Ressons de l'IEO e d'endacòm mai es publicat sota la responsabilitat del burèu federal de l'IEO*  
Contacte: [secretariat@ieo-oc.org](mailto:secretariat@ieo-oc.org)

## INSTITUT D'ESTUDIS OCCITANS

Sèti social: 11 carrièra Malcosinat - rue Malcosinat - 31000 TOLOSA - TOULOUSE  
Adreça postal: IEO-IDECO - 1 rue des Anciens Combattants - ZA Plaine Saint-Martin  
81700 PUÉGLAURENÇ - PUYLAURENS  
[www.ieo-oc.org](http://www.ieo-oc.org)

# RESSONS DE L'IEO E D'ENDACÒM MAI

Cap redactor Daidièr Mir - n° 10 - JUNH DE 2026



© fòto D. Mir

*Dimenge matin, represa de l'amassada, après l'aprobacion dels rapòrts d'activitat, moral e financièr, lo projècte de refonda de la reparticion de las cotizacions entre los diferents nivèls de l'IEO ( que cada aderent.a recebèt abans l'AG) es estat votat a mai de 77% de las voses.*

*Per provesir los tres sètis al CA, i aguèt tres candidats, dos son estats elegits a la majoritat absoluta, podèm salutar l'arribada de Miquèu Arnaud (IEO 13) e Gerard Trouilhas (IEO 07) coma membres del Conselh d'administracion de l'IEO.*

---

*Ressons de l'IEO e d'endacòm mai es publicat sota la responsabilitat del burèu federal de l'IEO  
Contacte: [secretariat@ieo-oc.org](mailto:secretariat@ieo-oc.org)*

## **INSTITUT D'ESTUDIS OCCITANS**

Sèti social: 11 carrièra Malcosinat - rue Malcosinat - 31000 TOLOSA - TOULOUSE  
Adreça postala: IEO-IDECO - 1 rue des Anciens Combattants - ZA Plaine Saint-Martin  
81700 PUÈGLAURENÇ - PUYLAURENS  
[www.ieo-oc.org](http://www.ieo-oc.org)

## Un moment istoric de panoccitanitat



Jusèp Loís Sans Socasau  
Val d'Aran



Patrici Pojada  
Domenico Iacovo (La Gàrdia)  
Rosella Pellerino ( Espaci Occitan )



Franc Bronzat  
Valadas italianas

© fòtos D. Mir

*En presencial o a distància, totis los espacis occitans èran representats e an pogut escambiar e téisser de projèctes d'avenidor. Se ja ja los ligams entre l'IEO e l'Instituts d'estudis Aranesi son estrechs e qu'una convencion de corepresentativitat es a mand d'èsser signada, J.L Sans Socasau ofriguèt al public d'exemplars de la primièra publicacion comuna: un triptic sus l'òbra de Marcela Delpastre escrich per Miquèla Stenta.*

*A distància, l'evidéncia de la necessitat d'obrar en comun ambe las Valadas e La Gàrdia es estada exprimida per l@s participant.a.s. Franc Bronzat evoquèt la possibilitat de crear una seccion de l'IEO dins las Valadas. De projèctes e d'espèrs que se podràn afortir tre lo 4 de julhet venent ont rendètz-vos es pres a la Val d'Aran per contunhar lo trabalh començat a Juès.*

*Ressons de l'IEO e d'endacòm mai es publicat sota la responsabilitat del burèu federal de l'IEO  
Contacte: [secretariat@ieo-oc.org](mailto:secretariat@ieo-oc.org)*

**INSTITUT D'ESTUDIS OCCITANS**

Sèti social: 11 carrièra Malcosinat - rue Malcosinat - 31000 TOLOSA - TOULOUSE  
Adreça postal: IEO-IDECO - 1 rue des Anciens Combattants - ZA Plaine Saint-Martin  
81700 PUÈGLAURENÇ - PUYLAURENS  
[www.ieo-oc.org](http://www.ieo-oc.org)



## Testimonhatges

Per me l'es istat un onor maximament grand a ésser envitat a l'Amassada e piluer aver la possibilitat de participar e donar testimoniancia viva e reala que l' occitan gardiol es ancar viu e ben parlat. La i avía un temp ante l'Occitania ilh pensia que La Gàrdia l'éra un fòssil bon solament a ganhar argent e moneia. La diamenja passàa, ensems, avem demostràa la veritat dins la reala sperancia e lo real projet de fatigar ensems e embastir un pònt, duevert a tota, que al parta da la Val d'Aran e al arriba a La Gàrdia.

L' es istat un event istòric, tota l' Occitania Unía sota la presidencia vòstra. Espero vivament que la gent ilh a apresaa l' intervent e, sobratot, ilh a entendut lo gardiol. L' an que ven espero de poluer ésser fisicament present. Gracias de tot e totavia a disposicion!  
Viva l' Occitania Unía!

Domenico Iacovo

Participar es estat un plaser, e per las valadas e l'Espaci Occitan una granda ocasion de renovar e promòure las occasions de rescontre e collaboracion d'un cant e de l'autre de las Aups

Rosella Pellerino

## Encara èm aciu

È estat en Juèsa; eth cap de setmana deth 9 de mai. È participat ena Amassada generau der IEO. E tornat damb alegria; content per redescorbir qu'era lengua occitana manten un bon corròp de personas que consèrven era illusion pera sua identitat e qu'ath delà trabalhen e s'estructuren entà mantier ua preséncia sociu en aguesti tempsi a on era manca de dialòg e era exigéncia pera immediatesa an martirizat es idees de longa creacion...

E ei tanben eth moment en que neishec era occitanitat dera Val d'Aran. Er apropament as tèsis der IEO merquèc eth devier dera promocion occitanista des darrèrs 40 ans en aguest bocin occitan de Catalonha. En aqueri moments er IEO exercie era autoritat lingüistica e plan per açò dera normativa alibertiana en diguïem "es normes der IEO". E totun ath long dera conferéncia de Martel non entenèrem en cap moment qu'er IEO s'auie creat a imatge der Institut d'Estudis Catalans, coma se ditz en tèxtes divulgatius...

I auie representants de tot eth territòri francés, e i ère tanben Franc Bronzat e Rosella Pellerino des Valades italianes e Domenico Lacovo de La Gardia. Er IEO manten era centralitat en amparament, ena defensa e ena representativitat der occitanisme entre toti aqueri actors que s'ocupen de recuperar era lengua en diuèrsi encastres socius. Ei per definicion, per principi, per excelléncia era institucion dera lengua occitana, damb ua preséncia efectiva en toti es departaments, en totes es regions. Ei eth malhum dera lengua, ua estructura territoriau que referencie tota era lengua occitana...

Aguest ei eth prumèr viatge enes 80 ans d'existéncia der IEO qu'era amassada generau se hè en Ardecha. Aguesti dies passegèrem per Juèsa e gaudírem dera sua istòria e dera sua occitanitat. Des der an 1983 es carrèrs an eth nòm en occitan...

Era amassada generau der IEO comencèc dissabte, jos era presidéncia de Patrici Pojada, membre der Institut d'Estudis Aranesi-Acadèmia aranesa dera lengua occitana. Pojada va acompanhat d'un bon equip, competent, que gaudiren pendent tota era amassada d'ua reconeishença generalizada.

Coma ditz Lou Dalfin: "sem encar ici"; encara èm aciu.  
Extrach d'un article paregut dins La Mañana 17/05/2026

Jusèp Loís Sans Socasau

## La seguida a la Val d'Aran lo 4 de julhet...



### Amassada-debat

#### Era norma dera lenga occitana: estandard/referenciau/generau

Dia: 4 de juliol de 2026 - 15,30 ores - Vielha (Val d'Aran)  
Adreça a determinar

#### Programa:

- 15.30 Salutacion des presidents der IEO e der IEA-AALO**
- 15.50 Juan Pablo Martínez (AAL-Aragonés)**  
"La estandardizació de l'aragonés: principis y criterios, retos y comparanza con l'occitàn".
- 16.10 Miquel Angel Pradilla (IEC)**  
Estandardització de les llengües minoritzades: noves maneres d'entendre la varietat formal
- 16.30 Bernat Arrous (IEA-AALO)**  
« Cent parlars que ne fan qu'un ». Eth mecanisme de «concatenacion» coma ciment dera unitat occitana.
- 16.50 Eric Fraj (IEO)**  
Quin occitan per deman?
- 17.10 Josèp Loís Sans (IEA-AALO)**  
Ua norma variabla, liquida e pluricentrica entar occitan
- 17.30 Patrick Sauzet**  
Variacion e estandard: la vinha e lo paissèl
- 17.50 Jacme Taupiac (IEA-AALO)**  
La lenga occitana, una e diversa
- 18.10 Pausa Cafè**
- 18.40 Debat**

ASSISTÈNCIA LIURA  
TA ASSISTIR ARA AMASSADA CAU RESERVAR ATH CORRÈU  
[administracion@institutesudisaranesi.cat](mailto:administracion@institutesudisaranesi.cat)  
Se comunicarà eth lòc dera amassada

#### Collabören:



#### Damb eth supòrt de:



Ressons de l'IEO e d'endacòm mai es publicat sota la responsabilitat del burèu federal de l'IEO  
Contacte: [secretariat@ieo-oc.org](mailto:secretariat@ieo-oc.org)

### INSTITUT D'ESTUDIS OCCITANS

Sèti social: 11 carrièra Malcosinat - rue Malcosinat - 31000 TOLOSA - TOULOUSE  
Adreça postal: IEO-IDECO - 1 rue des Anciens Combattants - ZA Plaine Saint-Martin  
81700 PUËGLAURENÇ - PUYLAURENS  
[www.ieo-oc.org](http://www.ieo-oc.org)

## Inauguracion dau Centre Rupèstre de Cultura Occitana Pèire Pessamessa



Fa cinq ans qu'Estèla Pessamessa nos aviá convidat l'Institut d'estudis occitans Provença a l'Aubèrga dei Seguins dins Leberon per nos assabentar de la creacion d'una futura bibliotèca amb leis archius qu'acampèt durant tota sa vida son paire lo paure Pèire Pessamessa, una figura màger de la literatura occitana dei sègles XX e XXI. D'aquesta passa, aviam poscut escambiar amb Estèla tant coma amb de mond dau CIRDOC qu'èran presents per ajudar a metre en forma la bibliotèca.

Coma va ditz Amelia Pessamessa dins una entrevista, se Pèire Pessamessa aviá legat a sa familha totei sei libres, aviá pensat que çò que leis interessariá pas siguèsse donat au CIRDOC de Besièrs (Centre internacionau de recèrca e documentacion occitanas). Va faguèron, contactèron lo CIRDOC que leis informèron qu'estent qu'avián ges de representacion en Provença, serián lèsts de leis ajudar per crear un vertadier centre culturau sota lei bauç de l'Aubèrga dei Seguins a Buous, amb aquò l'ensemble deis obratges restarián sus plaça.

# RESSONS DE L'IEO E D'ENDACÒM MAI

Cap redactor Daidièr Mir - n° 10 - JUNH DE 2026

---

Fauguèt d'ans e d'ans d'un trabalh fastigós per repertoriar lei 12 000 libres, lei catalogar, lei classar, puei lei asegar fisicament e fin finala establir una lista exhaustiva que serà disponibla en linha dins gaire.

L'òbra quasi complida, que rèsta encara de pan sus la canissa, èra pasmens temps de l'oficializar, d'inaugurar enfin lo Centre rupestre de cultura occitana Pèire Pessamessa (CRCO.P.P). Aquesta inauguracion se debanèt lo 10 d'abriu de 2026 amb fòrça gents qu'avián respondut presents amb un grand plaser a la convidacion dei Pessamessas, de notar que d'unei venguèron de fòrça luench. Lei Pessamessas, òc que devèm pas oblidar qu'es un trabalh de familha e amb Estèla e Amelia, i a pereu Maria Laura e Simon.

La tòca dau Centre serà de segur premier aquela d'una bibliotèca amb de salas dedicadas ont se porrà consultar ò empruntar de libres ; dins aquò i a d'autreis objectius de prevists coma organizar diferents eveniments culturaus e artistics, d'exposicions, de conferéncias a l'entorn de la cultura occitana.

Siam a l'espèra de la programacion per i participar.

Miquèu Arnaud  
President de l'IEO PACA



---

*Ressons de l'IEO e d'endacòm mai es publicat sota la responsabilitat del burèu federal de l'IEO*  
Contacte: [secretariat@ieo-oc.org](mailto:secretariat@ieo-oc.org)

## INSTITUT D'ESTUDIS OCCITANS

Sèti social: 11 carrièra Malcosinat - rue Malcosinat - 31000 TOLOSA - TOULOUSE  
Adreça postal: IEO-IDEKO - 1 rue des Anciens Combattants - ZA Plaine Saint-Martin  
81700 PUÉGLAURENÇ - PUYLAURENS  
[www.ieo-oc.org](http://www.ieo-oc.org)

## Crida a projècte: Maurici Andrieu

Nos sèm prepausada recentament l'idèa de començar a soscar un omenatge a Maurici Andrieu.


Per totplen de mond, la figura de Maurici Andrieu demorarà totjorn mai restacada a l'emission *Viure al país*, que ne foguèt lo presentador de 1981 a 1998, la primièra emmission regulara en occitan e en catalan sus la television publica francesa. Mas son òbra va al delà de tot aquò, çò sabètz ben los qu'avètz partejats amb el de projèctes, de teatre, de vida que.

Mètge anestesista a Tolosa, lo Maurici Andrieu quitèt son mestier a 40 ans per se consacrar a sa passion, lo teatre e la lenga occitana.

Fa longtemps li faguèron un brave omenatge amb una emmission especiala de *Viure al País* difusada lo dissabte 19 de novembre de 2011, seguida d'un *Viure al país* especial l'11 de decembre d'aquela meteissa annada. Pasmens, al delà d'aquel omenatge, nos semblariá important de pensar a una iniciativa mai duradissa: una publicacion o quina altra sòrta d'omenatge que posquèsse perdurar dins lo temps.

Per tant, vos prepausam de far circular aqueste corric a totas las personas que pensatz que i poirián contribuir, e d'entamenar una primièra ploja d'idèas abans, eventualament, de crear una comission que pòsca menar a tèrme aquel projècte.

contacte: [ferriol.macip@jornalet.com](mailto:ferriol.macip@jornalet.com)



Maurici Andrieu

Rémy Farré  
Ferriòl Macip

---

*Ressons de l'IEO e d'endacòm mai es publicat sota la responsabilitat del burèu federal de l'IEO*  
Contacte: [secretariat@ieo-oc.org](mailto:secretariat@ieo-oc.org)

### INSTITUT D'ESTUDIS OCCITANS

Sèti social: 11 carrièra Malcosinat - rue Malcousinat - 31000 TOLOSA - TOULOUSE  
Adreça postala: IEO-IDECO - 1 rue des Anciens Combattants - ZA Plaine Saint-Martin  
81700 PUÉGLAURENÇ - PUYLAURENS  
[www.ieo-oc.org](http://www.ieo-oc.org)

## E per l'estiu 2026:

### Rescòntres Occitans de Provença

Organizats per l'IEO CREO Provença despuei quasi 50 ans.

Lo programa d'ataliers immersius se debana seguent 1 ò 2 sejons dau 27 de julhet au 02 d'avost a Sant Lagier dos Meuses au centre « Les Prés Jaunes » dins la vau dau Champsaur. Dau 27 fins au 29 de julhet e/o dau 30 de julhet a 14h fins au 02 d'avost a 14h. D'ataliers novèus son prepausats dins lei 2 sejons. Lei sejons se fan en pension completa amb aubergament en cambra dobla.

Librariá, conferéncias, cafè occitan, charradissas e balètis totei lei seras. Son de vertadiers sejons panoccitans amb la preséncia d'intervenents e de participants de tota Occitània.

Per ne'n saupre mai : [ieopaca@orange.fr](mailto:ieopaca@orange.fr)

Vos esperam nombrós.

Miquèu Arnaud  
President de l'IEO PACA

**RESCÒNTRES OCCITANS EN PROVENÇA 2026**  
De tornar a : Miquèu ARNAUD  
479 chemin de la Parette 13390 AURIOL

INSCRIPTION

Nom : \_\_\_\_\_  
Pichòt nom : \_\_\_\_\_  
Nat(d'a) lo : \_\_\_\_\_  
Adreça : \_\_\_\_\_  
Tel. : \_\_\_\_\_  
Portable : \_\_\_\_\_  
Email : \_\_\_\_\_

ME MARQUI PER LEI :	27/28/29	30/31/01/02
1 Lengua per lo teatre	<input type="checkbox"/>	<input type="checkbox"/>
2 Lecturas Crozadas	<input type="checkbox"/>	<input type="checkbox"/>
3 Cant	<input type="checkbox"/>	<input type="checkbox"/>
4 Acordeon	<input type="checkbox"/>	<input type="checkbox"/>
5 Descubèrta dau Champsaur limitat a 15 personas	<input type="checkbox"/>	<input type="checkbox"/>
6 Dança	<input type="checkbox"/>	<input type="checkbox"/>
7 Botís	<input type="checkbox"/>	<input type="checkbox"/>
8 Lengua	<input type="checkbox"/>	<input type="checkbox"/>
9 Vidèo	<input type="checkbox"/>	<input type="checkbox"/>
10 Traduccion	<input type="checkbox"/>	<input type="checkbox"/>
11 Environament limitat a 15 personas	<input type="checkbox"/>	<input type="checkbox"/>

ME MARQUI PER LO Ò LEI SEJORN(S) :

Dau 27 au 29 de julhet de 2026.  
 Dau 30 de julhet au 02 d'avost de 2026.  
 Pagui (50 € X \_\_\_\_\_) = \_\_\_\_\_ € d'arras (arhes),  
per \_\_\_\_\_ adulte(s).  
 Pagui la totalitat dau sejon ò dei sejons,  
per \_\_\_\_\_ adulte(s).  
[Chèc a l'òrdre de CREO PROVENÇA]

• Adesion indispensable :  
 Chèc de \_\_\_\_\_, [a l'òrdre de l'IEO]  
ò precisar la Seccion departamentala :

#### Luec

##### 05260 SAINT LAGIER DOS MEUSES Centre les Prés Jaunes

En riba dau Pargue Nacionau, au pè dau Bescaumie deis Escrins, Sant Lagier Dos Meuses se situa dins la vau de Champsaur.

A 30 km de Gap e 90 km de Grenoble, lo centre es au còr dau vilatge e au pè dei pistas.

[<https://www.acvc.fr/fr/classe-de-neige-saint-leger-les-melezes-hebergements.html#jaunes>]

De notar lo site es pas a jòrn : lei cambas son equipadas de sala de bany e sanitari.

#### Datas

■ Diluns 27 / dimars 28 / dimècres 29 de julhet.

Acueh dei estagiàris lo **dimenge 26** a comptar de 18h. Fin de l'estagi : lo dimècres 29 a 17h30.

■ Dijòus 30 / divendres 31 de juniet / dissabte 01 / dimenge 02 (14h) d'avost.

Acueh dei estagiàris lo **dijòus 30** a comptar de 13h30. Fin de l'estagi : lo dimenge 02 a 14h.

#### Condicions financieras

##### ADULTES :

1 jornada : ..... 90 €

3 jorns : ..... 265 €

7 jorns : ..... 498 €

##### ADESION A L'IEO :

- ..... 30 € individuat

+ ..... 40 € per lei pareus

##### ESTUDIANTS, CHAUMAÏRES :

3 jorns : ..... 225 €

7 jorns : ..... 430 €

#### ATENCIÓN :

Leis inscripcions presas per telefon ò per email devon estre confirmadas per un chèc, dins lei 5 jorns que seguissou, per estre validadas.

Enfants : per estudiar la situacion mandar un mail.

### RESCÒNTRES OCCITANS EN PROVENÇA

Contactes : 06 84 73 67 65  
[ieopaca@orange.fr](mailto:ieopaca@orange.fr)



**2026**

## RESCÒNTRES OCCITANS EN PROVENÇA

**27 - 29 de julhet e'ò**  
**30 de julhet - 02 d'avost**  
CENTRE LES PRÉS JAUNES  
Saint-Léger-les-Mélèzes  
Auteis Aups

RESCÒNTRES N°49  
Organizats per  
L'IEO-CREO PROVENÇA



Ressons de l'IEO e d'endacòm mai es publicat sota la responsabilitat del burèu federal de l'IEO

Contacte : [secretariat@ieo-oc.org](mailto:secretariat@ieo-oc.org)

#### INSTITUT D'ESTUDIS OCCITANS

Sèti social: 11 carrièra Malcosinat - rue Malcosinat - 31000 TOULOSA - TOULOUSE  
Adreça postal: IEO-IDECO - 1 rue des Anciens Combattants - ZA Plaine Saint-Martin  
81700 PUÈGLAURENÇ - PUYLAURENS

[www.ieo-oc.org](http://www.ieo-oc.org)

## Cinquantena Universitat Occitana d'Estiu a Nimes



**UNIVERSITAT OCCITANA D'ESTIU**

**Dijòus 2 de julhet**  
Maison diocésaine, 6 rue Salomon-Reinach - Nimes

09h00 Accueil des stagiaires / Acuelh dels estagiarijs  
09h30 [Estagi] « Oralizar un tèxte » amb Bruno Paternot (comèdien, Cie Rêves du 22 mars)  
11h30 [Estantquet de la convièncià] propausat per la MARPOC  
12h00 [Ràdio] Lo Miègjornau de RLO en dirècte e sus Facebook  
14h00 [Presentacions] « lengas e culturas minorizadas » :  
- Tahar Metref (president de l'Association Culturelle des Berbères de Kabylie- ACBK) autour de « La culture amazigh »  
- Méliissa Nayral (anthropologue, chercheuse associée au CREDO Marseille et au USSTCAS de l'Université Toulouse Jean-Jaurès) : « Langues et cultures en Karsky Nouvelle Calédonie »  
- Virginie Magnat (Professeure Université de Colombie Britannique) « Collaborations radicales : revitalisation linguistique et résurgence culturelle reliant trois territoires et langues minorisées »

17h00 [Debat] Echange des intervenants avec le public / Escamb dels intervenents amb lo public  
19h00 [Lecturas] « Lou Pouèmo ddu Rose » per Bruno Paternot (et de nouveau à 20h30)  
En partenariat avec la Maison des Littéraires à voix hautes

21h15 [Serada] Concèrt del Trio Cabifò

**50 ans d'istòria**

**Divendres 3 de julhet**  
Auditorium du Carré d'Art, 16 pl. de la Maison Carrée - Nimes

10h00 Acuelh, presentation de l'UOÉ per Patric Lapierre President de la MARPOC  
10h20 [Conferéncia] « 50 ans d'occitanisme » per Christian Lagarde (professor emerit de l'Universitat de Perpignan)  
12h00 [Ràdio] Lo Miègjornau de RLO en dirècte e sus Facebook  
14h00 [Conferéncia] « Sortir du roman national, retrouver le chemin de l'histoire » par Laurence de Cock (historienne, enseignante, chargée de cours UPV Paris Diderot)  
15h30 [Conferéncia] « Les Albigeois et les historiens » par Philippe Martel (professeur honoraire UPV Montpellier III)  
20h00 [Serada festiva] aperitju musical amb la fanfara OCSO e Les Camineurs  
- a la Calandreta Aimat Serre de Nimes  
21h00 [Total Festum] Concèrt de Cocanha - a la Calandreta Aimat Serre de Nimes

**UNIVERSITAT OCCITANA D'ESTIU**

**Dissabte 4 de julhet**  
Maison diocésaine 6 rue Salomon-Reinach - Nimes

09h00 [Presentacions] « DOC, Articuler une politique linguistique intergénérationnelle » per Sylvain Blachon (magist d'estudis e de desenvolupament a l'IEO)  
09h45 [Debat] « Le silence relatif du dialecte limousin dans le monde occitan » per Gilles Duron (professor occitan nòrd)  
10h30 [Presentacions] « La Place des langues minorisées dans les luttes sociales avec : Jacques Giroux et Frédéric Millot (militants, avec Solidarité syndical SLD Solidaires) Gil Lull (deserte (militant) historien, chercheur volontaire, Co-éditeu de la revue de la revue) au en l'age d'Or de la revue »  
11h30 [Aperitju de benvegnuda] Ofèrt per la Comuna de Nimes en preséncia d'ele-gits del conselh municipal actual de Nimes  
12h00 [Ràdio] Lo Miègjornau de RLO en dirècte e sus Facebook  
14h00 [Presentacions] « Filigranes » per Marie-Jeanne Verrey (professor emerita, IPV de Montpellier)  
15h00 [Conferéncia] « 50 ans d'estiu, e après ? » per Jòrdi Illanc (editor, ed. Ven-Tena)  
16h00 [Teatre musical] « Cassi menar la lectura al public ? » per Jòrdi Illanc (editor, ed. Ven-Tena) amb Jean-Marie Duran (ed. Lyral) OCOC d'auves representants de la fàbri-que de la lecture  
18h00 [Aperitju festiu] « L'écriture poétique et le chant » per Pauline Kamakiri (poète, musicièn)  
21h00 [Concert] « Camies de lutz » per Pauline Kamakiri e Primiti Montgauti

**Dimenge 5 de julhet**  
Maison diocésaine 6 rue Salomon-Reinach - Nimes

09h00 [Conferéncia] « Formèntes l'ocitàl a l'ècole : enjeux socio-linguistics et sociològics d'un ensejament en subjèct de minoracion » per Mari-Rita (ensajista de l'ocitàl a l'ècole)  
10h00 [Aperitju festiu] « Parlas aquò la mèis » per Corinne Liberman (professor en Calandreta, mèis) e « Occitan dans l'ensejament public » per Olivier Prostetti (avocat, president de la FEOC)  
11h00 [Presentacions] Retrasa dels prèms del dièn rancos escolar  
12h00 [Ràdio] Lo Miègjornau de RLO, en dirècte e sus Facebook

Ressons de l'IEO e d'endacòm mai es publicat sota la responsabilitat del burèu federal de l'IEO  
Contacte: secretariat@ieo-oc.org

### INSTITUT D'ESTUDIS OCCITANS

Sèti social: 11 carrièra Malcosinat - rue Malcosinat - 31000 TOLOSA - TOULOUSE  
Adreça postal: IEO-IDECO - 1 rue des Anciens Combattants - ZA Plaine Saint-Martin  
81700 PUÉGLAURENÇ - PUYLAURENS  
www.ieo-oc.org



## Obradors de lenga

**DEL DIMÈCRES 08 AL DIVENDRES 10 DE JULHET DE 2026  
DE 09H30 A 12H30**

**DU MERCREDI 08 AU VENDREDI 10 JUILLET 2026  
DE 09H30 A 12H30**

### Universitat Occitana d'estiu

### La Guépia

**BULLETIN D'INSCRIPCION al revèrs  
BULLETIN D'INSCRIPTION au verso**



Scannnez pour  
en savoir plus  
sur le CFPO!

**cfpo**   
Région  
Occitanie

**BULLETIN D'INSCRIPTION**  
**BULLETIN D'INSCRIPTION**



**Dòna Madame**  
**NOM :**  
**Nascut-da lo Nê-e le :**

**Sénher Monsieur**  
**Prénom :**

**Còdi postal Code postal :** **Vila ville :**  
**Telefòn Téléphone fixe :** **Telefonet Portable :**  
**Corrièl Mail :**

**Me marquì a l'OBRADOR d'occitan lengadocian**  
*Je m'inscris à l'OBRADOR d'occitan languedocien*

**Mon nivèl :**

**començaire - intermediari**  
*débutant-intermédiaire*

**confirmat (mestresa de la lectura de votz nauta)**  
*confirmé (maîtrise de la lecture à haute voix).*

**Serai present-a**  
*je serai présent-e*

**08/07**     **09/07**     **10/07**

**Mercé de metre una crotz per cada matinada de preséncia (los 3 jorns propausan una progression, vòstra assiduitat garantis vòstra progression).**  
*Merci de cocher toutes les cases correspondants à vos matinées de présence (les 3 jours proposent une progression, votre assiduité garantit votre progression).*

**Prètz**

<b>3 talhièrs</b>	<b>1 talhièr</b>
<b>175€</b> per una persona	<b>60€</b> per una persona
<b>190€</b> per doas personas (meteissa familha*)	<b>90€</b> per doas personas (meteissa familha*)
<b>70 €</b> (caumaires*, RSA*)	<b>35 €</b> (caumaires*, RSA*)

**Un còp tot emplenat, mandar a :**  
*Une fois tout complété, envoyer à :*

**comptabilitat2@cfpoccitan.org**  
**o a : CFPO-RO, 7 rue Franklin**  
**34500 BEZIERS**

**Escotisson a l'associacion Lenga Viva 10€\*\***  
**Pagament : contact@lengaviva.com**

**Mejan de pagament :**  
*Moyen de paiement :*

**chèc a l'òrdre de CFPO-RO**  
*chèque à l'ordre de CFPO-RO*  
(a jònher amb lo bulletin)  
(à joindre avec le bulletin)

**virament bancari**  
*virement bancaire*  
precisar lo nom e UOE Laguèpia  
*préciser le nom et UOE Laguèpie*

**IBAN : FR76 1350 6100 0061 8901 9700 037**  
**BIC : AGRIFRPP835**



Payer  
directement via  
HelloASSO

**\*document justificatiu de provesir**  
**\*\*Adesion de pagar a Lenga Viva**

## « L'occitan à la portée de tous ! » 52a Escòla occitana d'estiu 16 – 22 d'agost de 2026 a Vilanuèva d'Òut

Aprendissatge, perfeccionament e practica de la lenga occitana en immersion per totes (adultes, estudiants, joves, dròlles).

Corses de lenga en formula intensiva (4h/jorn) o semi-intensiva (2h/jorn), prepausats dins 3 dialectes (lengadocian, gascon, lemosin) e 3 nivèls (A, B, C). Un cors de sensibilizacion a l'auvernhat.

Cada jorn, de 11h a 12h talhièr de cant e de 14h a 15h talhièrs de danças (debutants + confirmats).

E de 15h15 a 17h los estagiarise pòràn participar a un talhièr animat dins la lenga : toponimia, lenga e cultura catalana, bal de bastons, cosina e lenga, ràdio, jòc de ròtle, intercrompeneson romanica, còs liure e moviment conscient...

D'autres talhièrs especifics dins la jornada : relaxacion, fabricacion d'instruments de musica...

En fin de vesprada, de conferéncias sus diferentas tematicas.

En seradas, venètz descobrir de creacions artisticas occitanas : jòcs de societat, spectacle « Marcela Delpastre – D'una lenga l'autra », bal amb Tastets, Fèsta occitana-catalana concèrt e bal « La Daròna » e Joan Christian Simelio i Victor Pedrol Musica tradicional catalana.

Los dròlles e joves pòràn seguir activitats manualas, sortidas, espòrts, ludicas, dins la lenga a l'escoleta d'estiu e a l'escol'ados.

Tot se debana al licèu « L'Oustal », possibilitat d'albergament en campament, en cambra internat.

Participacion a la carta, 1 jornada o mai o la setmana.

A l'entorn de l'estagi, librariá e conversacions interdialectalas a l'estanquet !

Totas las entresenhas :

<https://eoe-oc.org/language/oc/activitats/eoe-oc/>

tel. 05 53 41 32 43

corrièl: [eoe@wanadoo.fr](mailto:eoe@wanadoo.fr)

# RESSONS DE L'IEO E D'ENDACÒM MAI

Cap redactor Daidièr Mir - n° 10 - JUNH DE 2026



**L'OCCITAN À LA PORTÉE DE TOUS !**

**52<sup>a</sup> ESCÒLA  
OCCITANA  
D'ESTIU**

**16 - 22 D'AGOST 2026  
VILANUÈVA D'ÒUT (47)**

**ESTAGI ESTIVAL  
D'IMMERSION  
LINGÜISTICA**

**Talhièrs**

**Cors de lenga**

**Conferéncias**

**Espectacles**

**Librariá**

**Activitats jovents**

**Activitats drollets**

[www.eoe-oc.org](http://www.eoe-oc.org)  
[eoewanadoo@wanadoo.fr](mailto:eoewanadoo@wanadoo.fr)  
05.53.41.32.43



**LOT-ET-GARONNE**  
Le Département Cœur du Sud-Ouest



**FONDACION GAÏETAN ESCART**  
sous l'égide de la Fondation de France

*Ressons de l'IEO e d'endacòm mai es publicat sota la responsabilitat del burèu federal de l'IEO*  
Contacte: [secretariat@ieo-oc.org](mailto:secretariat@ieo-oc.org)

## INSTITUT D'ESTUDIS OCCITANS

Sèti social: 11 carrièra Malcosinat - rue Malcosinat - 31000 TOLOSA - TOULOUSE  
Adreça postal: IEO-IDECO - 1 rue des Anciens Combattants - ZA Plaine Saint-Martin  
81700 PUÈGLAURENÇ - PUYLAURENS  
[www.ieo-oc.org](http://www.ieo-oc.org)